



**O D L U K A**  
**O IZMJENAMA I DOPUNAMA ODLUKE O SPOMENICIMA OD ZNAČAJA**  
**ZA GRAD SARAJEVO**  
**(prijedlog)**

**Predlagač:** Gradonačelnik  
**Obrađivač:** Služba za urbano planiranje,  
investicije, stambene i komunalne poslove

**Sarajevo, novembar 2018. godine**



Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“ broj: 34/08 – prečišćeni tekst), Gradsko vijeće Grada Sarajeva, na sjednici održanoj dana \_\_\_\_\_, donijelo je

**-prijedlog-**

## **ODLUKU O IZMJENAMA I DOPUNAMA ODLUKE O SPOMENICIMA OD ZNAČAJA ZA GRAD SARAJEVO**

### **Član 1.**

Član 4. Odluke o spomenicima od značaja za Grad Sarajevo („Službene novine Kantona Sarajevo“ broj: 12/11 i 21/16) mijenja se i glasi:

„Podizanje spomenika se vrši u skladu sa Elaboratom o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od značaja za Grad Sarajevo (u daljem tekstu: „Elaborat“).

Elaborat je usvojen na sjednici Gradskog vijeća Grada Sarajeva održanoj dana 28.01.2015. godine.“

### **Član 2.**

U članu 6. dodaje se novi stav (8) koji glasi:

„ U slučaju kada Podnosilac inicijative ne izvrši dopunu inicijative u roku propisanom stavom (5) ovog člana, Komisija obustavlja postupak donošenja odluke, o čemu Gradonačelnik putem nadležne službe obavještava Podnosioca inicijative“.

### **Član 3.**

U članu 7. dodaju se novi stavovi (3) i (4) koji glase:

„Podnosilac inicijative je dužan, po stupanju na snagu odluke o podizanju konkretnog spomenika od značaja za Grad Sarajevo, podnijeti zahtjev za izdavanje urbanističke saglasnosti za podizanje spomenika, nadležnom općinskom organu, najkasnije u roku od 60 dana i o tome istovremeno obavijesti Gradonačelnika.

Ukoliko Podnosilac inicijative ne izvrši obavezu navedenu u stavu 3. ovog člana, Gradonačelnik pokreće prema Gradskom vijeću proceduru stavljanja van snage odluke Gradskog vijeća o podizanju spomenika od značaja za Grad Sarajevo koju Podnosilac inicijative ne realizira u propisanom roku iz stava 3. ovog člana“.

### **Član 4.**

Član 11. Odluke mijenja se i glasi:

„Sredstva potrebna za realizaciju ove Odluke planiraju se u Budžetu Grada Sarajeva na posebnoj stavci i to za:

- čuvanje, održavanje i zaštitu spomenika od značaja za Grad Sarajevo i
- podizanje spomenika od značaja za Grad Sarajevo kojima je Grad Sarajevo investitor.

Sredstva za čuvanje, održavanje i zaštitu spomenika od značaja za Grad Sarajevo se planiraju na osnovu godišnjeg Programa čuvanja, održavanja i zaštite spomenika od značaja za Grad Sarajevo koji donosi Gradonačelnik uz prethodnu pribavljenu saglasnost Komisije za spomenike Gradskog vijeća.

Sredstva za podizanje spomenika od značaja za Grad Sarajevo kojima je Grad Sarajevo investitor se planiraju na osnovi godišnjeg Programa podizanja spomenika od značaja za Grad Sarajevo kojima je Grad Sarajevo investitor koji donosi Gradsko vijeće na prijedlog Gradonačelnika, a zasnovan na inicijativama koje su dobile podršku Gradskog vijeća i za koje je Komisija za spomenike utvrdila da su inicijative za podizanje spomenika od značaja za Grad Sarajevo i uputila Gradonačelniku na obradu s ciljem da Grad Sarajevo bude investitor podizanja spomenika“.

#### **Član 5.**

Stav (2) člana 12. se mijenja i glasi:

„Inspekcijski nadzor u primjeni Odluke vrši Gradska služba za inspekcijski nadzor.“

#### **Član 6.**

Član 14. se briše, a članovi 15. i 16. postaju članovi 14. i 15.

#### **Član 7.**

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

**Predsjedavajući Gradskog vijeća  
Grada Sarajeva**

Broj:  
Sarajevo,

## **PRAVNI OSNOV:**

Pravni osnov za donošenje ove odluke sadržan je u odredbama član 26. stav (1) tačka 2) Statuta Grada Sarajeva („Službene novine Kantona Sarajevo“, broj: 34/08 – prečišćeni tekst) kojim je propisano da Gradsko vijeće donosi odluke, druge propise i opće akte i daje njihovo tumačenje.

## **RAZLOZI DONOŠENJA:**

Programom rada Gradskog vijeća Grada Sarajeva za 2018. godinu planirano je razmatranje Odluke o izmjenama i dopunama Odluke o spomenicima od značaja za Grad Sarajevo.

Jedan od razloga za izmjenu Odluke o spomenicima od značaja za Grad Sarajevo je činjenica da postoji veliki broj inicijativa za koje procedura nije okončana duži vremenski period, te je bilo neophodno propisati rokove za postupanje kao i posljedice u slučaju kada Podnosilac inicijativa ne postupi u zadanom roku, što je i učinjeno dodavanjem stava (8) članu 6. Odluke.

Također je određen i rok u kojem je Podnosilac inicijative dužan nakon stupanja na snagu odluke o podizanju spomenika podnijeti zahtjev za izdavanje urbanističke saglasnosti za podizanje spomenika i o tome obavijesti Gradonačelnika.

Propisana je i procedura stavljanja van snage donesenih odluka o podizanju spomenika ukoliko podnosilac inicijative ne izvrši obavezu podnošenja zahtjeva za izdavanje urbanističke saglasnosti u predviđenom roku a obrazloženje za ovako postupanje je otvaranje mogućnosti da se odlukom dodijeljena lokacija opredijeli izgradnji drugog spomenika od značaja za Grad Sarajevo.

Član 11. Odluke koji se odnosi na sredstva potrebna za realizaciju je u potpunosti izmjenjen i predviđa obavezu planiranja sredstava na posebnoj stavci u Budžetu Grada Sarajeva.

Pored sredstava za čuvanje, održavanje i zaštitu spomenika od značaja za Grad Sarajevo koje će se vršiti u skladu sa Programom čuvanja, održavanja i zaštite spomenika od značaja za Grad Sarajevo koji donosi Gradonačelnik uz prethodnu pribavljenu saglasnost Komisije za spomenike Gradskog vijeća, potrebno je redovno planirati i sredstva za izgradnju novih spomenika od značaja za Grad Sarajevo. Iz tog razloga je predviđeno donošenje godišnjeg Programa podizanja spomenika od značaja za Grad Sarajevo kojeg na prijedlog Gradonačelnika usvaja Gradsko vijeće Grada Sarajeva. Gradonačelnik će predložiti program Gradskom vijeću cijeneći mogućnost izdvajanja sredstava za ovu namjenu u godišnjem budžetu, rokove u kojima su određene inicijative podnesene, te kompleksnost projekta podizanja svakog pojedinog spomenika (očekuje se da će podizanje određenih spomenika biti i višegodišnji projekti, a određena spomen obilježja kao što su spomen ploče i sl. se mogu izvesti u relativno kratkom roku i uz manje izdvajanje).

Elaborat o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od značaja za Grad Sarajevo, koji je usvojen na sjednici Gradskog vijeća Grada Sarajeva održanoj dana 28.01.2015. godine, nije pratilo donošenje Odluke o provedbi Elaborata te je neophodno izvršiti predložene izmjene.

## **FINANSIJSKA SREDSTVA:**

Za realizaciju ove odluke potrebno je planirati sredstva u Budžetu Grada Sarajeva.

## **IZVJEŠTAJ O PROVEDENOJ JAVNOJ RASPRAVI NA NACRT ODLUKE O IZMJENAMA I DOPUNAMA ODLUKE O SPOMENICIMA OD ZNAČAJA ZA GRAD SARAJEVO**

U skladu sa Zaključkom Gradskog vijeća Grada Sarajeva broj: 01-GV-02-1005/18 od 26.09.2018. godine, provedena je javna rasprava na Nacrt Odluke o izmjenama i dopunama Odluke o spomenicima od značaja za Grad Sarajevo.

Pozivi za učešće u javnoj raspravi su, u skladu sa navedenim Zaključkom, upućeni sljedećim subjektima:

- Komisija za očuvanje nacionalnih spomenika Bosne i Hercegovine
- Federalno Ministarstvo kulture i sporta – Zavod za zaštitu spomenika
- Ministarstvo za boračka pitanja Kantona Sarajevo
- Ministarstvo prostornog uređenja i zaštite okoliša Kantona Sarajevo
- Ministarstvo za saobraćaj Kantona Sarajevo
- Zavod za zaštitu kulturno-historijskog i prirodnog naslijeđa Kantona Sarajevo,
- Zavod za planiranje razvoja Kantona Sarajevo,
- Institut za historiju Univerziteta u Sarajevu
- općine koje čine Grad Sarajevo i
- klubove vijećnika u Gradskom vijeću Grada Sarajeva.

Javna rasprava je trajala 30 dana odnosno do 05.11.2018. godine.

U javnoj raspravi učešće su uzela 4 pravna subjekata koji su se u pisanoj formi odredili prema ponuđenom Nacrtu, i to:

- Ministarstvo za boračka pitanja Kantona Sarajevo
- Zavod za planiranje razvoja Kantona Sarajevo
- Kantonalni zavod za zaštitu kulturno-historijskog i prirodnog naslijeđa Sarajevo
- Općina Novo Sarajevo

### **MINISTARSTVO ZA BORAČKA PITANJA**

Ministarstvo za boračka pitanja je razmotrilo nacrt Odluke o izmjenama i dopunama Odluke o spomenicima od značaja za Grad Sarajevo. Smatramo da je u funkciji stvaranja potrebnih uslova za kvalitetniji pristup i realizaciju važnog segmenta društvenog života kada je u pitanju kolektivno sjećanje te doprinos izgradnji identiteta naroda i države Bosne i Hercegovine.

Međutim, želimo da sugerišemo da se razmotri mogućnost, s obzirom da je poslije agresije na državu Bosnu i Hercegovinu '92-'95 u poslijeratnom periodu izgrađen veliki broj spomen obilježja memorijalnog karaktera na području Kantona Sarajevo i Gradskih općina koje ne posjeduju građevinsko-tehničku dokumentaciju, tj. nemaju validne urbanističko-tehničke dokumente, da u ovoj odluci pronađete prostora da se predvidi

jedan član koji će obavezati općine Grada Sarajeva da izdaju naknadno potrebnu dokumentaciju, kako bi se legalizovala ova značajna spomen obilježja kao tekovine iz odbrambeno-oslobodilačkog rata '92-'95, i na taj način zaštitile od devastacije, propadanja i uklanjanja od strane svih onih koji to ne osjećaju ili su nedobronamjerni i svjesno uništavaju tekovine a da za to ne budu kažnjeni niti odgovorni prema Zakonu.

Dalje sugeriramo da se u narednom periodu razmotri ideja, a već se u praksi i službenoj korespondenciji za sve tekovine memorijalnog karaktera generalno upotrebljava pojam „Spomen obilježje“ što podrazumijeva više vrsta tekovina memorijalnog karaktera kao što je: spomenik, spomen česma, spomen ploča, spomen zid, spomen muzej-soba, spomen trg, spomen park, spomen ulica, „Sarajevske ruže“, centralno spomen obilježje, spomen obilježje ubijenoj djeci, memorijalni centar, spomen mezarje itd.“ i naše mišljenje je da sve tekovine ovako kategorisane trebamo generalno nazvati „Spomen obilježje“ što bi bio adekvatan naziv za sve tekovine memorijalnog karaktera '92-'95 godine, što bi naravno podrazumijevalo pojmovno-naučno obrazloženje.

#### **STAV PREDLAGAČA:**

*Cijeneći predloženo smatramo sljedeće:*

*Zakonom o prostornom uređenju Kantona Sarajevo je definisana procedura i principi izgradnje, donošenje urbanističkih saglasnosti, urbanističko-tehničke specifikacije, odobrenje za građenja i sl. U tom smislu ne vidimo mogućnost da ovom Odlukom možemo mjenjati propise višeg reda i obavezati općine Grada Sarajeva da izdaju naknadnu dokumentaciju.*

*Ova Odluka tretira spomenike iz svih vremenskih epoha našeg grada, a ne samo spomenički sadržaj iz odbrambeno-oslobodilačkog rata '92-'95, tako da smatramo primjerenim da sve navedene definicije ostaju nepromjenjene.*

## **ZAVOD ZA PLANIRANJE RAZVOJA KANTONA SARAJEVO**

Zavod za planiranje razvoja Kantona Sarajevo je krajem 2014. Godine pored Elaborata o mogućim lokacijama za postavljanje spomenika, spomen obilježja i spomen ploča na području Grada Sarajeva, a koje su od interesa za Grad Sarajevo, dostavio Gradskoj upravi i radni materijal Odluke o provođenju Elaborata o mogućim lokacijama za postavljanje spomenika, spomen obilježja i spomen ploča na području Grada Sarajeva, a koji su od interesa za Grad Sarajevo.

Radni materijal Odluke o provođenju Elaborata, čije usvajanje je izostalo, usaglašen je između Zavoda za planiranje razvoja Kantona Sarajevo i Kantonalnog zavoda za zaštitu kulturno-historijskog i prirodnog naslijeđa Sarajeva.

U prilog javnoj raspravi o nacrtu odluke o izmjenama i dopunama Odluke o spomenicima od značaja za Grad Sarajevo Vam ponovno dostavljamo radni materijal Odluke o provođenju Elaborata s posebnim akcentom na odredbe u Odluci o provođenju Elaborata koje se odnose na:

- javnu raspravu
- odabir lokacije
- idejno rješenje

Odredbe u navedenim poglavljima Odluke o provođenju Elaborata bi doprinijele upotpunjavanju Odluke o izmjenama i dopunama Odluke o spomenicima od značaja za Grad Sarajevo.

**PRILOG:** Radni materijal Odluke o provođenju Elaborata

Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“ broj:34/08 – Prečišćeni tekst), Gradsko vijeće Grada Sarajeva, na sjednici održanoj \_\_\_ decembra 2014. godine, donijelo je

**ODLUKU O PROVOĐENJU  
ELABORATA O MOGUĆIM LOKACIJAMA ZA POSTAVLJANJE  
SPOMENIKA, SPOMEN-OBILJEŽJA I SPOMEN-PLOČA NA PODRUČJU  
GRADA SARAJEVA, A KOJI SU OD INTERESA ZA GRAD SARAJEVO**

**Uvod**

**Član 1.**

Ovom Odlukom utvrđuje se način podnošenja inicijative za podizanje spomeničkih sadržaja na prostoru Grada Sarajeva, način korištenja Elaborata o mogućim lokacijama za postavljanje spomenika, spomen-obilježja i spomen ploča na području Grada Sarajeva, a koji su od interesa za Grad Sarajevo (u daljem tekstu: Elaborat) čija je izrada i donošenje propisano Odlukom o spomenicima od značaja za Grad Sarajevo („Službene novine Kantona Sarajevo“ broj: 12/11), kao i provođenje drugih neophodnih aktivnosti koje imaju za cilj određivanje lokacije spomeničkog sadržaja i izgled idejnog rješenja, što sve prethodi donošenju odluke o podizanju spomeničkog sadržaja.

**Podnošenje inicijative**

**Član 2.**

Inicijativa za podizanje spomeničkog sadržaja od značaja za Grad sarajevo se podnosi Gradonačelniku. Inicijativu mogu podnijeti gradski vijećnici, općinski vijećnici, Gradonačelnik, načelnici općina, pravna lica i udruženja građana. Inicijativa mora sadržavati naziv događaja odnosno ime ličnosti kojima se inicira podizanje spomeničkog sadržaja sa obrazloženjem i prijedlogom lokacije.

**Član 3.**

Gradonačelnik prosljeđuje inicijativu Komisiji za spomenike koja vrši valorizaciju događaja odnosno ličnosti i donosi odluku o tome da li je ili nije događaj odnosno ličnost od značaja za Grad Sarajevo.

**Javna debata i odabir lokacija**

**Član 4.**

Po usvajanju inicijative o podizanju spomeničkog sadržaja Gradonačelnik i podnosioci inicijative moderiraju rad debate kako bi utvrdili postojanje i važnost veze historijskog

sadržaja ili ličnosti sa lokacijom spomeničkog sadržaja, donijeli odluku o raspisivanju konkursa radi dobijanja najboljeg oblikovanog rješenja, kao i način finansiranja svih aktivnosti na pripremi i podizanju spomeničkog sadržaja. U debati učestvuju nadležne institucije relevantne za tematiku spomeničkog sadržaja, akademska zajednica i građani.

#### Član 5.

Ukoliko se u toku debate ustanovi da je historijsku vezu spomeničkog sadržaja sa lokacijom teško ustanoviti ili ona nije izričito važna, razmatraju se lokacije za spomeničke sadržaje prevashodno sa prostornog i urbanističkog aspekta, gdje se pri odabiru koristi Elaborat.

#### Član 6.

Gradonačelnik i Komisija za spomenike imaju mogućnost da razmatraju i odabiru lokacije kojima je u ličnoj karti spomenika u rubrici lokacije pridodat epitet BOSNA I HERCEGOVINE. Na takve lokacije dolaze u obzir jedino spomenički sadržaj koji se odnosi na događaje i ličnosti od najvećeg značaja za Bosnu i Hercegovinu, koji se trebaju podići u glavnom gradu države. Kao takvi se smatraju događaji i ličnosti od najvećeg historijskog, državnčkog, vojnog, naučnog, umjetničkog, tehničkog kao i drugih dostignuća. Za ove lokacije obavezno je raspisivanje konkursa da bi se za svaku lokaciju postiglo najkvalitetnije spomeničko ili skulpturalno rješenje, uz analizu specifičnih urbanističko-arhitektonskih elemenata i okruženja.

#### Član 7.

Gradonačelnik i Komisija za spomenike imaju nadležnost da razmatraju i odabiru lokacije kojima je u ličnoj karti pridodat epitet GRAD SARAJEVO. Na ovim lokacijama mogu se podizati spomenički sadržaji koji se odnose na događaje i ličnosti od značaja za Grad Sarajevo. Idejna rješenja spomenika ili skulptora moraju biti usklađena sa urbanističko-arhitektonskim okruženjem.

#### Član 8.

Općine koje su u sastavu Grada Sarajeva u primjeni Elaborata i odabiru lokacije raspoložu sa lokacijama kojima je u ličnoj karti spomenika u rubrici značaja lokacije pridodat epitet „OPĆINA“, kako bi se na njima po potrebi mogli smjestiti sadržaji za potrebe općina na čijoj se teritoriji same lokacije nalaze.

#### Član 9.

Ukoliko se ustanovi da je striktno važna veza spomeničkog sadržaja sa lokacijom koja nije predviđena u Elaboratu za postavljanje spomeničkog sadržaja, Gradonačelnik putem nadležne gradske službe traži mišljenje o mogućnosti postavljanja spomeničkog sadržaja na predloženoj lokaciji. Pri tome je neophodno mišljenje Općine na čijoj teritoriji se nalazi lokacija, Kantonalnog zavoda za zaštitu kulturno-historijskog i prirodnog naslijeđa, Zavoda za planiranje razvoja Kantona Sarajevo, a u slučaju da se lokacija nalazi u zoni zaštite nacionalnog spomenika neophodno je i mišljenje Zavoda za zaštitu spomenika Federacije Bosne i Hercegovine.



#### Član 10.

U slučaju inicijative iskazane od strane općine u sastavu Grada Sarajeva podizanje spomeničkog sadržaja za potrebe Općine na lokacijama koje Elaboratom nisu predviđene za postavljanje spomeničkog sadržaja, neophodno je mišljenje Kantonalnog zavoda za zaštitu kulturno-historijskog i prirodnog naslijeđa, Zavoda za planiranje razvoja Kantona Sarajevo, a u slučaju da se lokacija nalazi u zoni zaštite nacionalnog spomenika neophodno je i mišljenje Zavoda za zaštitu spomenika Federacije Bosne i Hercegovine.

#### Idejno rješenje

#### Član 11.

Usvajanjem inicijative o podizanju spomeničkog sadržaja koji je od značaja za Bosnu i Hercegovinu ili odabirom nove lokacije u Elaboratu kojoj je u ličnoj karti spomenika u rubrici značaja lokacije dodat epitet BOSNA I HERCEGOVINE, Gradonačelnik raspisuje konkurs radi dobijanja najboljeg oblikovanog rješenja spomeničkog sadržaja. U konkursnoj proceduri i radu žirija je neophodno učešće Gradonačelnika, Komisije za spomenike, podnosioca inicijative, Akademije likovnih umjetnosti ili udruženja ULUBIH i ULUPUBIH, arhitektonskog fakulteta ili Asocijacije arhitekata u BiH, Kantonalnog zavoda za zaštitu kulturno-historijskog i prirodnog naslijeđa, Zavoda za planiranje razvoja Kantona Sarajevo, institucija relevantnih za tematiku spomeničkog sadržaja kao i stručnjaka relevantnih za tematiku spomeničkog sadržaja.

#### Član 12.

Za odabranu novu lokaciju ili spomenički sadržaj kojima je nivo značenja „GRAD SARAJEVO“, predviđenu u Elaboratu ili s lokacijom odabranom u konsultacijama sa nadležnim ustanovama Gradonačelnik i podnosilac inicijative obezbjeđuju idejno rješenje koje se može dobiti i raspisivanjem javnog ili pozivnog konkursa.

Za spomenički sadržaj koji ima nivo značenja „GRAD SARAJEVO“ s predviđenom lokacijom u Elaboratu ili s lokacijom odabranom u konsultacijama sa nadležnim ustanovama Gradska uprava pribavlja mišljenje o idejnom rješenju. Pri tome je neophodno mišljenje Kantonalnog zavoda za zaštitu kulturno-historijskog i prirodnog naslijeđa, Zavoda za planiranje razvoja Kantona Sarajevo.

#### Član 13.

Za odabranu novu lokaciju ili spomenički sadržaj koji ima nivo značenja „OPĆINA“, predviđenu u Elaboratu ili s lokacijom odabranom u konsultacijama sa nadležnim ustanovama nadležna općinska služba zajedno sa podnosiocem inicijative obezbjeđuje idejno rješenje koje se može dobiti i raspisivanjem javnog ili pozivnog konkursa.

Za spomenički sadržaj koji ima nivo značenja „OPĆINA“ s predviđenom lokacijom u Elaboratu ili s lokacijom odabranom u konsultacijama sa nadležnim ustanovama nadležna općinska služba pribavlja mišljenje o idejnom rješenju. Pri tome je neophodno mišljenje Kantonalnog zavoda za zaštitu kulturno-historijskog i prirodnog naslijeđa, Zavoda za planiranje razvoja Kantona Sarajevo.

#### Član 14.

Ukoliko na traženoj lokaciji ne postoje prostorne mogućnosti za postavljanje slobodnostojećeg trodimenzionalnog spomeničkog sadržaja, a veza spomeničkog sadržaja sa lokacijom je striktno važna, o mogućnosti postavljanja adekvatne spomen-ploče na fasadu arhitektonskih objekata na traženoj lokaciji Gradonačelnik putem nadležne gradske službe o izgrađenom idejnom rješenju spomen-ploče traži mišljenje Općine na čijoj teritoriji se nalazi lokacija, Kantonalnog zavoda za zaštitu kulturno-historijskog i prirodnog naslijeđa, Zavoda za planiranje razvoja Kantona Sarajevo.

#### Odluka o podizanju

#### Član 15.

Gradonačelnik putem nadležne gradske službe priprema Odluke o podizanju spomeničkog sadržaja koja treba da sadrži idejno rješenje spomeničkog sadržaja, precizno određenu mikrolokaciju, podatke o načinu finansiranja za podizanje spomeničkog sadržaja, podatke o nosiocu realizacije i rokove.

#### Član 16.

Komisija za spomenike usvaja prijedlog odluke o podizanju spomeničkog sadržaja, nakon čega Gradsko vijeće Grada Sarajeva konačno odlučuje o prijedlogu odluke o podizanju spomeničkog sadržaja.

#### Stupanje na snagu

#### Član 17.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

Broj;  
Sarajevo,

Predsjedavajući

**STAV PREDLAGAČA:** *Elaborat o mogućim lokacijama za postavljanje spomenika, spomen-obilježja i spomen-ploča na području Grada Sarajeva usvojen je na Sjednici Gradskog vijeća Grada Sarajeva održanoj 28.01.2015. godine.*

*Odluka o provedbi Elaborata u dostavljenom tekstu nije razmatrana na Sjednici Gradskog vijeća Grada Sarajeva. Navedena Odluka o povodačenju Elaborata je sadržavala uputstva za provedbu Elaborata koja su se bitnije razlikovala od načina provođenja Odluke o spomenicima od značaja za Grad Sarajevo.*

*Programom rada Gradskog vijeća Grada Sarajeva za 2019. planirano je da Gradsko vijeće Grada Sarajeva donose Odluku o provođenju Elaborata o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od interesa za Grad Sarajevo. Materijal dostavljen u prilogu javne rasprave (radna verzija Odluke) će biti polazna osnova za pripremu konačne Odluke koja će biti dostavljena Gradskom vijeću Grada Sarajeva na razmatranje.*

## ZAVOD ZA ZAŠTITU KULTURNO-HISTORIJSKOG I PRIRODNOG NASLIJEĐA KANTONA SARAJEVO

U skladu sa Vašim dopisom broj: 08-05-5229-7/18 od 08.10.2018. godine, koji se odnosi na Javnu raspravu o Nacrtu Odluke o izmjenama i dopunama Odluke o spomenicima od značaja za Grad Sarajevo, na isti Vam dostavljamo mišljenje, primjedbe, prijedloge i sugestije.

Iz dosadašnje prakse uspostavljanja memorijalne kulture kroz spomeničke sadržaje na prostoru grada Sarajeva, vidi se da Elaborat o mogućim lokacijama za postavljanje spomenika, spomen-obilježja i spomen ploča na području Grada Sarajeva koji su od značaja za Grad Sarajevo, usvojen na sjednici Gradskog vijeća Grada Sarajeva održanoj 28.01.2015. godine, nije donio značajan pomak u sistemu izgradnje spomenika, promišljanju i kvalitetnoj izvedbi spomeničkih rješenja.

Iz tog razloga smatramo potpuno opravdanim pokretanje inicijative za Izmjene i dopune Odluke o spomenicima od značaja za Grad Sarajevo.

U cilju unapređenja procesa izgradnje spomenika i uspostavljanja transparentne demokratske prakse kakva se u savremenom svijetu već odavno primjenjuje, smatramo da Nacrt odluke o izmjenama i dopunama Odluke o spomenicima od značaja za Grad Sarajevo treba izmijeniti i dopuniti u pojedinim članovima.

Članom 6. Odluke kojim se definiše procedura podizanja spomenika, od podnošenja inicijative do njenog potvrđivanja koju vodi Komisija za spomenike, nije definisano učešće šire zajednice u donošenju ovakvih odluka, niti mogućnost provođenja javne rasprave o istom, što smatramo neopravdanim i neefikasnim sa aspekta očuvanja spomenika.

Zbog preskakanja ovog koraka u proceduri podizanja spomenika, indetificiranje, prepoznavanje vrijednosti i kreiranje odnosa šire zajednice izostaje, što često rezultira nebrigom i problemima u održavanju. Obzirom da se Grad Sarajevo nalazi u ulozi facilitatora potreba za spomeničkim obilježavanjem značajnih historijskih događaja od značaja ili podizanjem spomenika značajnim osobama za Grad, njegova odgovornost je tim veća, te je komunikacija sa širom zajednicom u ovom procesu imperativ.

U skladu sa navedenim predlažemo izmjenju i dopunu člana 6. Odluke u smislu da se nakon izvršene procjene inicijative i valorizacije historijskog događaja i/ili ličnosti od strane Komisije za Spomenike, pokrene javna rasprava u vremenski ograničenom roku.

Za potrebe valorizacije i dalje rasprave o podizanju spomenika, mišljenja smo da bi se trebao izraditi dokument u kojem će se od strane stručnjaka jasno argumentovati i definirati stav o potvrđivanju ili odbijanju određene inicijative. U ovom kontekstu može poslužiti metodologija koja se primjenjuje kod valorizacije kulturnog naslijeđa, a koja, između ostalog, podrazumjeva i izradu tzv. Izjave o značaju. Iz ovog razloga predlažemo da se u članu 6. u stavu 3. druga rečenica izmjeni i dopuni na način da se nakon procjene inicijative, koja traje 60 dana, izradi i dokument o značaju spomenika, te da se na osnovu ovakvog dokumenta donese odluka o potvrđivanju ili odbijanju inicijative.

Iza stava (3) predlažemo novi stav kojim će se regulisati organizacija javne rasprave.

Član 6. Stav (4) se mjenja na način da nakon provedene javne rasprave Komisija donese konačnu odluku o podizanju spomenika, a dalja procedura bi išla na način kako je to definisano ovim stavom. Nakon završene javne rasprave podnosilac inicijative je dužan upotrijebiti svoj prijedlog prema propozicijama Komisije i Elaborata.

Članom 9. Definisana je uspostava Registra spomenika od značaja za Grad Sarajevo, a kako je Kantonalni zavod za zaštitu kulturno-historijskog i prirodnog naslijeđa stručna služba zaštite spomenika na prostoru Kantona Sarajevo, a radi sinhronizacije spomeničkog registra predlažemo dostavljanje Zavodu informacije o upisu u spomenuti Registar.

#### **STAV PREDLAGAČA:**

*U cilju provođenja Odluke o spomenicima od značaja za Grad Sarajevo, Gradsko vijeće Grada Sarajeva imenuje Komisiju za spomenike čiji je osnovni zadatak valorizacija događaja odnosno ličnosti i donošenje odluke da li je ili nije neki događaj ili ličnost od značaja za Grad Sarajevo odnosno Bosnu i Hercegovinu. Komisija broji sedam članova i čine je gradski vijećnici, ugledni stručnjaci, naučni i javni djelatnici iz predmetne oblasti koji su dovoljno kompetentni da ispune zadatak koji se pred njih postavlja. Smatramo da je bespotrebno odugovlači postupak podizanja spomenika provođenjem javne rasprave odnosno da rezultati rasprave neće značajno doprinijeti poboljšanju i efikasnosti podizanja spomenika od značaja za Grad Sarajevo.*

*Shodno odredbama Odluke, Grad Sarajevo je dužan održavati spomenike podignute u skladu sa Odlukom, kao i voditi registar spomenika od značaja za Grad Sarajevo. Registar spomenika obuhvata kako spomenike koji su podignuti u skladu sa Odlukom, tako i spomenike na području Grada Sarajeva koji su podignuti u periodu od NOR-a do danas i moguće je izvršiti uvid u isti, a po potrebi i pismeno dostaviti tražene informacije.*

#### **OPĆINA NOVO SARAJEVO**

Vašim aktom broj i datum gornji, dostavili ste Nacrt Odluke o izmjenama i dopunama Odluke o spomenicima od značaja za Grad Sarajevo, te pozvali da do 05.11.2018. godine, dostavimo svoje mišljenje, primjedbe, prijedloge i sugestije na Nacrt Odluke.

Ovim putem Vas obavještavamo da nemamo primjedbi na dostavljeni Nacrt Odluke.

Četvrtak, 12. maja 2011.

**ODLUKU**

**O PRERASPODJELI SREDSTAVA U BUDŽETU  
KANTONA SARAJEVO ZA 2011. GODINU ZA  
BUDŽETSKOG KORISNIKA JU OSNOVNA ŠKOLA  
"ŠESTA OSNOVNA ŠKOLA" ILIDŽA**

- Odobrava se preraspodjela sredstava u Budžetu Kantona Sarajevo za 2011. godinu u iznosu 6.200 KM u razdjelu 21020024 - Osnovna škola "Šesta osnovna škola Ilidža" i to:
  - sa ekonomskog koda:  
611200 - Naknade troškova zaposlenih  
611221 LBAOB7 - Naknade za topli obrok  
iznos . . . . . 6.200 KM
  - na ekonomske kodove:  
611200 - Naknade troškova zaposlenih  
611225 LBAOB9 - Otpremnine zbog odlaska  
u penziju iznos . . . . . 6.200 KM
- Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-16701/11  
12. maja 2011. godine  
Sarajevo

Ministar  
Muhamed Kozadra, s. r.

Na osnovu člana 17. stav 2. Zakona o izvršavanju Budžeta Kantona Sarajevo za 2011. godinu ("Službene novine Kantona Sarajevo", broj 8/11) po zahtjevu Osnovne škole "Zaim Kolar", ministar finansija donosi sljedeću

**ODLUKU**

**O PRERASPODJELI SREDSTAVA U BUDŽETU  
KANTONA SARAJEVO ZA 2011. GODINU ZA  
BUDŽETSKOG KORISNIKA JU OSNOVNA ŠKOLA  
"ZAIM KOLAR" TRNOVO**

- Odobrava se preraspodjela sredstava u Budžetu Kantona Sarajevo za 2011. godinu u iznosu 7.700 KM u razdjelu 21020044 - Osnovna škola "Zaim Kolar" i to:
  - sa ekonomskog koda:  
611200 - Naknade troškova zaposlenih  
611225 LBAOL9 - Otpremnine zbog odlaska  
u penziju iznos . . . . . 7.700 KM
  - na ekonomske kodove:  
611200 - Naknade troškova zaposlenih  
611227 LBAOM0 - Naknada u slučaju smrti  
i teže invalidnosti iznos . . . . . 7.700 KM
- Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-16760/11  
12. maja 2011. godine  
Sarajevo

Ministar  
Muhamed Kozadra, s. r.

**GRAD SARAJEVO**

**Gradsko vijeće**

Na osnovi člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08), člana 3. stav 1. i člana 5. stav 3. i 4. Odluke o uslovima i postupku za podizanje, izmještanje i premještanje spomenika od značaja za Grad Sarajevo ("Službene novine Kantona Sarajevo", broj 5/06 i 42/07), Gradsko vijeće Grada Sarajeva, na sjednici održanoj 27. aprila 2011. godine, donijelo je

**ODLUKU**

**O PODIZANJU BISTE KNJIŽEVNICIMA IZETU  
SARAJLIĆU, ČAMILU SIJARIĆU I DERVIŠU SUŠIĆU**

**Član 1.**

Podižu se biste književnicima Izetu Sarajliću, Čamilu Sijariću i Dervišu Sušiću u Malom parku ispred zgrade Predsjedništva Bosne i Hercegovine (u daljnjem tekstu: Biste), kao biste od značaja za Grad Sarajevo.

**Član 2.**

Biste se podižu u Malom parku ispred zgrade Predsjedništva Bosne i Hercegovine, a prema predloženoj lokaciji i idejnom projektu koji je sastavni dio podnesene inicijative.

**Član 3.**

Finansiranje podizanja Biste vrši Grad Sarajevo.

**Član 4.**

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-651/11  
27. aprila 2011. godine  
Sarajevo

Predsjedavajući  
Gradskog vijeća  
Prim. dr. Željko Ler, s. r.

Na osnovu člana 26. stav (1) tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici održanoj 27. aprila 2011. godine, donijelo je

**ODLUKU**

**O SPOMENICIMA OD ZNAČAJA ZA GRAD SARAJEVO**

**Član 1.**

**Predmet Odluke**

Ovom Odlukom o spomenicima od značaja za Grad Sarajevo (u daljnjem tekstu: Odluka) utvrđuju se kriteriji za utvrđivanje spomenika od značaja za Grad Sarajevo, vrste spomenika, način podnošenja inicijative za podizanje spomenika od značaja za Grad Sarajevo, uslovi i postupak za podizanje spomenika od značaja za Grad Sarajevo kao i način čuvanja, održavanja i zaštite spomenika podignutih u skladu sa ovom Odlukom.

**Član 2.**

**Kriteriji za utvrđivanje**

Spomenicima od značaja za Grad Sarajevo u smislu ove odluke smatraju se:

- Spomenici kojima se obilježavaju historijski događaji od posebnog značaja za Grad Sarajevo i Bosnu i Hercegovinu a koji su obilježili bitku i dali historiju i dali poseban doprinos razvoju i afirmaciji Grada Sarajeva i Bosne i Hercegovine.
- Spomenici podignuti u znak sjećanja na osobe koje su svojim djelovanjem dali poseban doprinos razvoju i afirmaciji Grada Sarajeva i Bosne i Hercegovine, te očuvanju civilizacijskih vrijednosti, multietničnosti i posebnosti Grada Sarajeva i Bosne i Hercegovine.

Svi drugi spomenici ili inicijative za njihovo podizanje u smislu ove odluke ne mogu se smatrati spomenicima od značaja za Grad Sarajevo.

**Član 3.**

**Vrste spomenika**

Spomenicima u smislu ove Odluke smatraju se akulpture, biste, spomen-kompleksi odnosno obilježja, spomen-česme, spomen - ploče i fontane koji su svojim sadržajem, estetskim izgledom i funkcionalnošću namijenjeni očuvanju uspomena na historijske događaje i ličnosti.

Pod spomenicima se ne podrazumijevaju spomen-pokloni kulturno-umjetničkog karaktera i spomenici odnosno obilježja koja se mogu podizati na određene vremenske periode.

**Član 4.**

**Podizanje spomenika**

Podizanje spomenika se vrši u skladu sa Elaboratom o spomenicima od značaja za Grad Sarajevo.

Elaborat sadrži definisane lokacije i prostore na području Grada Sarajeva na kojima se može planirati podizanje spomenika, te umjerenja o vrstama spomenika koji se mogu podizati.

Elaborat iz prethodnog stava izrađuje Zavod za planiranje razvoja Kantona Sarajevo ili drugo pravno lice registrovano za vršenje usluga ove vrste uz konsultacije sa Zavodom za zaštitu kulturno-historijskog i prirodnog naslijeđa Kantona Sarajevo.

Konačan prijedlog Elaborata razmatra i usvaja Gradsko vijeće Grada Sarajeva.

**Član 5.**

**Inicijativa za podizanje spomenika**

Inicijativu za podizanje spomenika od značaja za Grad Sarajevo mogu podnijeti vijećnici Gradskog vijeća Grada Sarajeva, vijećnici općinskih vijeća općina u sastavu Grada Sarajeva, gradonačelnik i načelnici općina. Pravna lica i udruženja građana mogu podnijeti inicijativu za podizanje spomenika putem općina.

Inicijativa mora sadržavati naziv događaja odnosno ime ličnosti kojima se inicira podizanje spomenika sa obrazloženjem i predlogom lokacije za njegovo podizanje.

Inicijativa se podnosi gradonačelniku Grada Sarajeva.

Gradonačelnik putem nadležne službe proslijeđuje inicijativu Komisiji za spomenike Gradskog vijeća Grada Sarajeva.

**Član 6.**

**Komisija za spomenika**

Komisija za spomenike (u daljnjem tekstu: Komisija) osniva se posebnom odlukom Gradskog vijeća Grada Sarajeva.

Komisija ima 7 članova a sastavljaju je vijećnici Gradskog vijeća Grada Sarajeva, ugledni stručnjaci, naučni i javni djelatnici iz predmetne oblasti.

Komisija vrši valorizaciju događaja odnosno ličnosti i donosi odluku o tome da li je ili nije događaj odnosno ličnost od značaja za Grad Sarajevo, a sve u skladu sa članom 2. ove Odluke. Komisija vrši procjenu inicijative u roku od 60 dana od prijema inicijative.

Kada Komisija donese odluku o tome da podnesena inicijativa ispunjava kriterije iz člana 2. Odluke, gradonačelnik putem nadležne službe obavještava podnosioca inicijative o tome i usvaja da se inicijativa upotpuni sljedećim elementima:

- idejnim rješenjem spomenika
- precizno određenom mikrolokacijom
- podacima o načinu finansiranja za podizanje spomenika

Podnositelj inicijative je dužan upotpuniti istu u roku od 60 dana osim ako idejno rješenje ne podrazumijeva provođenje konkurne procedure.

Nakon kompletiranja inicijative Gradonačelnik će prijedlog odluke o podizanju spomenika prosljediti Komisiji za spomenike koja, nakon prihvatanja prijedloga odluke o podizanju, istu dostavlja Gradskom vijeću Grada Sarajeva na konačno odlučivanje.

U slučajevima kada Komisija donese odluku da podnesena inicijativa ne ispunjava kriterije iz člana 2. ove Odluke, odnosno procijeni da spomenik nije od značaja za Grad Sarajevo, Gradonačelnik će putem nadležne službe obavijestiti o tome podnosioca inicijative i općinu.

**Član 7.**

**Odluka o podizanju spomenika**

Odluku o podizanju spomenika od značaja za Grad Sarajevo donosi Gradsko vijeće Grada Sarajeva.

Odlukom se definiše, osim elemenata definisanih članom 6., i nosilac ili nosioci njene realizacije, rokovi i finansijska sredstva potrebna za podizanje spomenika.

**Član 8.**

**Čuvanje, održavanje i zaštita spomenika**

O čuvanju, održavanju i zaštiti spomenika od oštećenja i uništavanja obuhvaćenih ovom odlukom brine se Grad Sarajevo.

**Član 9.**

**Registar spomenika**

Gradonačelnik, putem nadležne službe, je dužan da ustroji i vodi registar spomenika od značaja za Grad Sarajevo. Registrom će biti obuhvaćeni i spomenici koji su podignuti u vremenskom periodu nakon NOR-a.

**Član 10.**

**Obaveza primjene Odluke**

Ovu Odluku su obavezne primjenjivati sve općine na području Grada Sarajeva pri izdavanju odobrenja za gradnje spomenika.

Za spomenike koje nisu obuhvaćeni ovom Odlukom općine provode proceduru u skladu sa Zakonom o prostornom uređenju Kantona Sarajeva ("Službene novine Kantona Sarajevo", broj 7/05).

**Član 11.**

**Sredstva**

Sredstva potrebna za realizaciju ove Odluke obezbjeđuju se u Budžetu Grada Sarajeva i to za sljedeće namjene:

- čuvanje, održavanje i zaštitu
- eventualno učešće Grada Sarajeva u podizanju spomenika
- priprema Elaborata iz člana 4. Odluke.

**Član 12.**

**Nadzor**

Nadzor nad provođenjem ove Odluke vrši gradonačelnik putem nadležne službe Gradske uprave Grada Sarajeva.

Inspekcijaki nadzor u primjeni Odluke vrši gradski komunalni inspektor.

**Član 13.**

**Kaznene odredbe**

Novčanom kaznom u iznosu od 3.000,00 KM će se kazniti za prekršaj pravno lice, ako izvrši postavljanje spomenika suprotno odredbama ove Odluke, dok će odgovorno lice u pravnom licu biti kažnjeno novčanom kaznom u iznosu od 800,00 KM.

Novčanom kaznom u iznosu od 300,00 KM će se kazniti fizičko lice koje podigne spomenik suprotno odredbama ove Odluke.

**Član 14.**

**Rok za izradu Elaborata**

Elaborat o spomenicima od značaja za Grad Sarajevo će biti izrađen u roku od 2 mjeseca od dana stupanja na snagu ove Odluke.

**Član 15.**

**Izmjene i dopune Odluke**

Izmjene i dopune Odluke se vrše na isti način i po postupku sa njeno donošenje.

**Član 16.**

**Stupanje na snagu**

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Stupanjem na snagu ove Odluke prestaje da važi Odluka o uslovima i postupku za podizanje, izmještanje i premještanje spomenika od značaja za Grad Sarajevo ("Službene novine Kantona Sarajevo", broj 5/06 i 42/07).

Broj 01-02-652/11  
27. aprila 2011. godine  
Sarajevo

Predsjedavajući  
Gradskog vijeća  
Prim. dr. Željko Ler, s. z.

Cetvrtak, 26. maja 2016.

II

Ovim Reglstrom budžetskih korisnika Kantona Sarajevo stavlja se van snage Registar budžetskih korisnika Kantona Sarajevo broj 08-01-14-29721-2/14 od 06.03.2015. godine, koji je objavljen u "Službenim novinama Kantona Sarajevo", broj 9/15.

Broj 08-01-14-18749/16  
16. maja 2016. godine  
Sarajevo

Ministar  
Prof. dr. Jasmin Halebić, s. r.

**GRAD SARAJEVO**

**Gradsko vijeće**

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - pročišćeni tekst) Gradsko vijeće Grada Sarajeva, na sjednici održanoj 27.04.2016. godine, donijelo je

**ODLUKU**

**O IZMJENAMA I DOPUNAMA ODLUKE O  
SPOMENICIMA OD ZNAČAJA ZA GRAD SARAJEVO**

**Član 1.**

Stav (6) člana 6 Odluke o spomenicima od značaja za Grad Sarajevo ("Službene novine Kantona Sarajevo", broj 12/11) mijenja se i glasi:

"Nakon kompletiranja inicijative od strane podnosioca Gradonačelnik će prijedlog Odluke o podizanju spomenika proslijediti Komisiji za spomenike Gradskog vijeća Grada Sarajeva. Ukoliko se radi o podizanju spomenika na mikrolokaciji koja se nalazi u sklopu objekta od kulturno-historijske važnosti, prije sačinjavanja prijedloga odluke pribavit će se suglasnost Kantonalnog zavoda za zaštitu kulturno-historijskog i prirodnog naslijeđa Sarajevo i Zavoda za planiranje razvoja Kantona Sarajevo, a ukoliko se radi o podizanju spomenika na mikrolokaciji koja se nalazi u zaštićenom prostoru nacionalnog spomenika potrebno je pribaviti i saglasnost Zavoda za zaštitu spomenika, koji je u sastavu Federalnog ministarstva kulture i sporta. Komisija za spomenike će, nakon prihvatanja prijedloga odluke, istu proslijediti Gradskom vijeću Grada Sarajeva na konačno usvajanje".

**Član 2.**

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-742/16  
27. aprila 2016. godine  
Sarajevo

Predsjedavajući  
Gradskog vijeća  
Suljo Agić, s. r.

Na osnovu člana 40. stav 1. i člana 47. stav 2. alineja 1. Zakona o prostornom uređenju Kantona Sarajevo ("Službene novine Kantona Sarajevo", broj 7/05), te člana 16. stav 1. tačka 1. i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Pročišćeni tekst), Gradsko vijeće Grada Sarajeva, na sjednici održanoj dana 27.04.2016. godine, donijelo je

**ODLUKU**

**O IZMJENAMA I DOPUNAMA ODLUKE O  
PRISTUPANJU IZRADI REGULACIONOG PLANA  
"RAJLOVAC III"**

**Član 1.**

Ovom odlukom vrše se izmjene i dopune Odluke o pristupanju izradi Regulacionog plana "Rajlovac III" ("Službene novine Kantona Sarajevo", broj 10/14).

**Član 2.**

U članu 11. dodaje se novi stav 2. koji glasi:  
Zabrana gradnje iz stava 1. ovog člana ne odnosi se na parcele označene kao k.š. 1335 i 1336 K.O. Novo Sarajevo IV, u vlasništvu "Alenko Comero" d.o.o. Sarajevo.

**Član 3.**

Dodatinski stavovi 2., 3. i 4. postaju stavovi 3., 4. i 5.

**Član 4.**

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-744/16  
27. aprila 2016. godine  
Sarajevo

Predsjedavajući  
Gradskog vijeća  
Suljo Agić, s. r.